



Ein cyf/Our ref MA-(L)/LG/0103/17

Mark Reckless AC  
Y Pwyllgor Newid Hinsawdd, yr Amgylchedd a Materion Gwledig  
Cynulliad Cenedlaethol Cymru  
Bae Caerdydd  
Caerdydd  
CF99 1NA

SeneddNHAMG@cynulliad.cymru

21 Chwefror 2017

Annwyl Mark

Diolch am eich llythyr dyddiedig 31 Ionawr, yn gofyn imi amlinellu'r camau y byddaf yn eu cymered o ran deall difrifoldeb y problemau sy'n gysylltiedig ag ansawdd yr aer yng Nghymru, trwy weithgareddau monitro, gwella ansawdd yr aer drwy reoleiddio a gorfodi a monitro'r peryglon amgylcheddol sy'n gysylltiedig ag ansawdd aer gwael.

Mae monitro ansawdd yr aer a'r risgiau amgylcheddol cysylltiedig, yn digwydd ar nifer o lefelau. Caiff monitro cenedlaethol ei reoli yn unol â gofynion Cyfarwyddeb yr UE gan Asiantaeth yr Amgylchedd drwy'r rhwydwaith monitro cenedlaethol o dan gontract y DU. Mae Awdurdodau Lleol yn monitro yn unol â'u dyletswyddau rheoli ansawdd yr aer yn lleol (LAQM) o dan Ddeddf yr Amgylchedd 1995. Caiff y monitro ei gomisiynu hefyd gan awdurdodau'r priffyrdd ac mae'n ofynnol trwy reoleiddwyr amgylcheddol ger rhai gweithfeydd diwydiannol penodol.

Mae fy Adran yn monitro gwefan Fforwm Ansawdd yr Aer yng Nghymru [http://www.welshairquality.co.uk/index.php?t=&n\\_action=&lg=w](http://www.welshairquality.co.uk/index.php?t=&n_action=&lg=w), sy'n darparu ystod eang o ddata monitro ansawdd yr aer i'r cyhoedd. Mae data ar ansawdd yr aer ledled y DU ar gael ar wefan Defra ar <https://uk-air.defra.gov.uk>.

Mae rheoleiddio a gorfodi yn digwydd drwy sawl sianel, gan gynnwys LAQM, pob un ohonynt o fewn fy mhortffolio i.

Daeth ein hymgyngoriad ar ansawdd aer lleol a rheoli sŵn yng Nghymru i ben ar 6 Rhagfyr a chafwyd 50 o ymatebion. Rwyf ar hyn o bryd yn ystyried argymhellion yn seiliedig ar yr ymatebion a gafwyd. Byddaf yn cyhoeddi ymatebion yr ymgynghoriad yn llawn ac yn cyflwyno datganiad i Aelodau'r cynulliad ar sut yr wyf yn bwriadu newid y broses LAQM yng Nghymru, cyn diwedd Mawrth 2017. Roedd yr ymatebion i'r cynigion penodol o fewn y ddogfen ymgynghori yn ffafriol ar y cyfan, yn enwedig o ran yr angen i gael mwy o gydweithio a'r angen i leihau llygredd yn yr aer ar draws y boblogaeth gyfan yn ogystal â chanolbwyntio ar ardaloedd sydd yn methu â chadw at nodau ansawdd yr aer. Bydd fy Adran yn creu canllaw diwygiedig ar bolisiau i Awdurdodau Lleol, ac yna dempled gwell ar gyfer cofnodi blynyddol. Rwyf hefyd yn bwriadu ymyrryd, ble y bo angen, i wella sut y mae Awdurdodau Lleol yn cydymffurfio ag amserlenni cofnodi a chynllunio camau gweithredu.

Mae fy swyddogion yn cydweithio ym maes lechyd y Cyhoedd i ddatblygu ymgyrch addysgol ar ansawdd yr aer i weithwyr ieuchyd proffesiynol a'r cyhoedd ac i gynhyrchu canllawiau cenedlaethol ar gyfer Cyfarwyddwyr lechyd y Cyhoedd mewn Byrddau lechyd Lleol, Cyfarwyddwyr Diogelu'r Cyhoedd o fewn Awdurdodau Lleol ac lechyd Cyhoeddus Cymru. Bydd y canllaw hwn yn annog cydweithio i sicrhau y cyflawnir yr LAQM.

Mae fy swyddogion yn gweithio gydag Awdurdodau Lleol a rhanddeiliaid eraill i edrych ar y polisiau a'r canllawiau cynllunio cenedlaethol o ran ansawdd yr aer a sŵn. Bydd nifer o'r ymatebion i'r ymgynghoriad diweddar yn bwydo i mewn i'r broses hon.

Mae Cyfoeth Naturiol Cymru a'r Awdurdodau Lleol yn rheoli'r allyriadau i'r aer o brosesau diwydiannol drwy drefn drwyddedu amgylcheddol ac mae fy swyddogion yn cydweithio'n agos â rheoleiddwyr a chwmnïau ble y bo'n briodol. Rydym wedi sefydlu cynllun gweithredu yn y tymor byr ar gyfer deunydd gronynnol yn ardal gweithfeydd dur Port Talbot, ac rydym yn ddiweddar wedi comisiynu astudiaethau ar ddeunydd gronynnol ym Mhort Talbot a nicel yng Nghymoedd Abertawe.

Ar safon yr aer yn gyffredinol, ym mis Tachwedd, daeth yr Uchel Lys i'r casgliad y dylid diddymu cynllun ansawdd yr aer Llywodraeth y DU 2015, a gynhyrchwyd er mwyn bodloni gofynion Cyfarwyddeb Ansawdd Aer yr Amgylchedd UE. Daeth y dyfarniad i'r casgliad nad oedd y cynllun y bodloni gofynion cyfreithiol y DU i wella ansawdd yr aer yn y cyfnod byrraf posibl. Daethpwyd i'r casgliad nad oedd y rhagolygon yn seiliedig ar fodelu yn gywir, gan ei wneud yn annhebygol y byddai modd cydymffurfio â therfynau ansawdd yr aer.

Mae'n ofynnol felly i Lywodraeth y DU ddrafftio cynllun newydd ar gyfer ansawdd yr aer er mwyn gallu cydymffurfio â'r Gyfarwyddeb. Bydd ymgynghoriad ar y cynllun newydd erbyn 24 Ebrill 2017, ac mae'n rhaid ei sefydlu erbyn 31 Gorffennaf 2017.

Mae goblygiadau hyn o ran cynlluniau Llywodraeth Cymru i fynd i'r afael â llygredd nitrogen deuocsid yng Nghymru yn dibynnu ar ragolygon newydd y DU ar gyfer cydymffurfio a ddarparwyd gan Defra. Bydd y rhain yn cynnwys amcangyfrifon newydd a mwy cywir ar gyfer allyriadau traffig a gwell datrysiadau amser (sef rhoi rhagolygon nid yn unig ar gyfer y blynyddoedd 2020, 2025 a 2030 ond ar gyfer blynyddoedd eraill hefyd) o fewn asesiadau ansawdd aer. Bydd angen i gynllun newydd drafft y DU ddangos sut y mae modd cydymffurfio â'r terfynau cyn gynted â phosib, gan gynnwys yn y pedair ardal nad ydynt yn cydymffurfio yng Nghymru.

Yn ein Papur Gwyn diweddar ar y newid o'r UE i berthynas newydd ag Ewrop, mae'n amlwg bod angen inni fod yn wylidwrus a sicrhau nad ydym yn colli'r diogelwch a'r safonau oedd o fudd i'n dinasyddion a'r gymdeithas gyfan. Rydym ar hyn o bryd yn bodloni ein hymrwymiaidau o ran monitro a modelu ansawdd yr aer yn genedlaethol trwy gontractau ledled y DU sy'n cael eu hariannu yn ganolog o gyllideb tystiolaeth o ansawdd yr aer yn y DU sy'n cael ei rheoli gan Defra. Mae contractau eraill tebyg o fewn y DU wedi eu sefydlu er mwyn rhoi cymorth technegol i'r LAQM, er gwaethaf y gofynion gwahanol ar gyfer yr LAQM ym mhob gweinyddiaeth o fewn y DU. Er ei bod o bosibl yn haws i sicrhau bod trefniadau ansawdd yr aer cenedlaethol a lleol yn ategu ei gilydd wedi inni adael yr UE, byddem yn bryderus o weld Llywodraeth y DU yn lleihau'r lefel gyffredinol o fonitro, modelu a chymorth technegol sy'n cael ei darparu ar hyn o bryd drwy gontractau ledled y DU.

Mae rhai dulliau pwysig wrth gwrs o wella ansawdd yr aer sydd heb eu datganoli, er enghraifft dulliau cyllidebol o ran cerbydau diesel, ac rydym am i Lywodraeth y DU chwarae ei rhan i wella ansawdd yr aer yng Nghymru.

Mae'r Pwyllgor wedi mynegi diddordeb yn y gorffennol yn achos llys Gorsaf Bŵer Aberddawan ac ysgrifennais yn ddiweddar at holl Aelodau'r Cynulliad ar y mater hwn. Rwy'n gobeithio i hyn egluro'r sefyllfa bresennol o ran allyriadau ocsidau nitrogen Aberddawan, a'r camau sy'n cael eu cymeryd gan Gyfoeth Naturiol Cymru i alluogi'r dyfarniad.

Cofion



**Lesley Griffiths AC/AM**

Ysgrifennydd y Cabinet dros yr Amgylchedd a Materion Gwledig  
Cabinet Secretary for Environment and Rural Affairs